

Gvangjsih Minzcuz Bau

ganhhau: CN45-0036 B.2019 Nd.5 Ng.22 liggaueq geijhah nienz ndwenseiq cibbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3375期

Dwzbauij:

“Song Vah” Gangj Siz Haeujgyawj Vunzlai

Mboengqneix, youq ndaw aen soj gangj siz seizdaih moq Dwzbauij Yen Lungzsangh Cin Gojfuj Cunh, cingq hwnj dangzgoq gangj siz yungh “song vah” gangj vut gungz gunggeng. Bouxgangj yungh Vahbujdungh caeuq Vahyauz bonjdieg doxlauh hwnjdangz, hawj beixnuengx Yauzcuz aen cunh neix dingq ndaej rox.

Gojfuj Cunh dwg dieg comzyouq Yauzcuz minzcuz vunz daegbied noix, gyauejvunz Yauzcuz ciemq gyauejvunz daengx cunh 99% doxhwnj, dwg aenmbanj gig gungzhoj Guengjsae “cibsam haj” ndawde aen ndeu, bya lai dieg noix, namh byom, giep raemx, diegyouq yakrwx, vunzmbanj souhauej cujyau dwg ndaem haeuxyangz caeuq ok rog

dajgoeng, dingznoix ciengx mou, vaiz, yiengz, gaeq daengj doenghduz. Gojfuj Cunh aen cunh Yauzcuz daengx cunh gungh 354 ranz 1427 vunz, ranz-gungzhoj laeb dangian laeb gaj 218 ranz 881 vunz, bi 2019 dajveh vut gungz 83 ranz 410 vunz. Ganbu capyouq mbanj youq mwh cunzbyaij yawjraen, hauilai beixnuengx Yauzcuz daengx bi mbouj okdou, bi'ndwen haemq geq haenx dingq mbouj rox Vahgun, mbouj ndaej gibseiz roxyiuj gij saedsaeh mizgven cwngcwz cwngfuj, vihneix, Gojfuj Cunh yungh “song vah” gangj siz haeujgyawj vunzlai, yungh vah vunzlai dingq ndaej rox, rox ndaej ngaih haenx guh gangj sonhag. Cienz gij dajveh caeuq banhlap vut gungz

yienh, cin, cunh gaep hawj gyoengq ranzgungzhoj, gujli gyoengqde laeb saenqsim vut gungz baenz miz, gyagiengz ndangrengz bonjfaenh gaenx guh. Yuqnaeuz gyoengqde gaenxmaenx caeuq bouxlienphaeh bangfuz boiqhab dingh gij dajveh ranz vut gungz, yungh banhlap ndei, dwkhingz vut gungz gunggeng byaijhauej ndwenngoenz siujganh.

Ciuq cam rox, Lungzsangh Cin doenggvaq yungh “song vah” gangj siz doidoengh senhconz vut gungz gung-geng mizgven cwngcwz, aenbaez roengz mbanj haeuj ranz caeuq beksingq yungh “song vah” gangjgoj, beksingq ndaej roxnyinh gij gvansim dangj caeuq cwngfuj. (Cinz Siubeih Cau Genleiz)

SIUSIK DINJ

● Ndwen 5 ngoenz 12 (liggaueq ndwenseiq cobet) dwg ciet hawfwen Denzyangz Yen Bahbez Yangh, aen yienh neix swhfazgiz cujiz bouxguhong bae hawfwen haiguh aen hozdung senhconz fapceih. Ciuq gyoepsuenq, baez hozdung neix gungh fat gak loh senhconz swhliu 3000 lai faenh, daeh cawx doxgaiq yaenq miz faplwd cihsiz 2500 lai aen, bangj-ndang bujfaz 600 lai mbaw, venj fuk baengzhoengz 5 diuz, ndaej daengz gyoengq vunzlai haenh.

(Vangz Hungzdungh)

● Mboengqneix, Liuj-couh Si banh bi 2109 Liuj-couh Si bouxcoz nyezrauh doxdax gohyoz suciz, doxdax miz bouxcoz nyezrauh doxdax vunzgihi, dungxcaiz vunz-guh doxdax hanghmoeg, canghgunghcwngz daengzcog hanghmoeg, saunenzgungh hagdangz lajmbanj 4 loh hung 21 aen hanghmoeg, 1100 boux bouxcoz nyezrauh hagseng daiqbiuj 550 aen doih daj 87 aen cungh siujyoz Liujcouh Si daeuj haenx caeuqfaenh doxdax.

(Liu Swjyenh)

● Geij bi neix daeuj, Ginhsiu Yauzcuz Swciyen doenggvaq dajcauh rangh lijyouz lajmbanj “luengq-hongh fungcingz Mbanjyauz bak leix”, fatok giindei swhyenz Yauzcuz minzsuz vwnzva daegsaek caeuq yawjngonz aenmbanj conzdungj, cugyamq guhbaenz gij hwnghat gwzgziz lijyouz lajmbanj lai yiengh “mbanj ndeu yiengh ndeu daegsaek ndeu”, daiqdoengh vunzlai caeziengj lijyouz hwnghat hoengzleih, bangrengz saenq-hwng lajmbanj.

(Gauh Yuzginh)

● Ndwen 5 ngoenz 18, Cungzcoj Si banh aen hozdung bi 2019 “ngoenz boz-vuzgvanz gozci 5·18” minzcuz vwnzva senhconz haeuj segih. Ngoenzhaenx haiguh le biujyienj gofoux minzcuz, ciengj dap cihsiz bozvuzgvanz mizciengj, daejniemh daemj Mancuengh daengj hozdung, hawj gyoengq siminz lai nyinhdoengz vwnzva.

(Nungz Cauhvuj)

Namzningz Banh Gij Laex Doxcaemh Baenzranz Deihdiet Goeng'ik



Ndwen 5 ngoenz 18, ciengz gij laex doxcaemh baenzranz deihdiet goeng-ik lingh miz yiengh moq ndeu youq Namzningz banh, 28 doiq gvanbaz moq daj Gvangjsih gak dieg daeuj haenx daenj gij buhvaq baenzranz minzcuz vunznoix yungh conzdungj dinfwngz guh haenx, comz naengh deihdiet bae Gvangjsih Minzcuz Bozvuzgvanz, daejniemh gij fungsug baenzranz minzcuz conzdungj, roxnyinh gij yinxdaez vwnzva conzdungj minzcuz. Ndaw doz dwg gyoengq gvanbaz caez naengh deihdiet bae Gvangjsih Minzcuz Bozvuzgvanz.

(Yiz Sienghczenz/喻湘泉)

Lingzyinz Yen Ndaem Gonengznuengx Ciengx Nonsei Bang Vut Gungz

Geij bi neix daeuj, Lingzyinz Yen yungh gyalai vunzguhnaz souhauej guh moegbiu, haengrengz diuzcingj caeuq guhndei nungzyez canjnieb gezgou, gyalai doicaenh gij canjnieb ndaem gonengznuengx ciengx nonsei, bang-rengz vut gungz gunggeng, daengx yienh ndaem gonengznuengx ciengx nonsei guh ndaej ndei, boux ciengx nonsei souhauej ndaej gyalai.

Cwngcwz daiqdoengh miz bauj-cang. Aen yienh neix okdaiz gij cwngcwz hawjleih ndaem gonengznuengx ciengx nonsei, aenmbanj ndaem gonengznuengx ciengx nonsei baenz doengh, coihguh roen canjnieb caeuq roen bae reihnaz hawj gonq, caemhcai q gajgez yungh raemx caeuq ranz ciengx nonsei daengj dieggoek sezsih. Doengz-

seiz, okdaiz gij cwngcwz bang ngaenz-cienz, yungh dinfaex gonengznuengx, lwg nonsei, bwnh, hwnjguh ranz ciengx nonsei daengj boujcienz cwngcwz caeuq banhlap, gemjmbaeu diuzrap ranz ciengx nonsei yungh ngaenzcienz, hawj gyoengq vunzlai gaenxmaenx ndaem gonengznuengx ciengx nonsei, doidoengh canjnieb hwnghat.

Son'gyauq dinfwngz hawj hwnghat. Aen yienh neix cingj lauxhangz cungcamh hangz nonsei swcigih daeuj hwnjdangz son'gyauq ciengx nonsei, miz boux ciengx nonsei caeuq boux-giszyenz yienh, yangh caeuq mbanj boux guzgan ciengx nonsei 120 vunz-baez caeuqfaenh; doengzseiz, boux-giszyenz yienh, yangh caeuq boux-giszyenz vunzguhnaz bae mbanj son-

gyauq, sonyinx ndaem gonengznuengx ciengx nonsei, dawz gij dinfwngz ndaem gonengznuengx ciengx nonsei son-gyauq hawj engq lai vunzguhnaz.

Hwnjguh fugsah ndaej daezswng. Hwnghat gij canjnieb ndaem gonengznuengx ciengx nonsei, Lingzyinz Yen hopheux dajcauh “mbanj ndeu yiengh ndeu” canjnieb hwnghat gwzgziz, mboujduenh gyalai ranz dajndaem dajciengx lai, daengx yienh miz ranz ndaem gonengznuengx ciengx nonsei lai ca mbouj geijlai 1000 ranz. Aen yienh neix yungh aen dihi fugsah canjnieb nonsei aen gihgou guenleix caeuq fugsah guh cawjsienq hwnjguh haenx, baenz gij rengz yougaenj doidoengh canjnieb hwnghat.

(Veiz Fucwngh Veiz Yadingz)